



## Ketouvim (hagiographes) - Esther

### Chapitre 1

- 1,1 ויהי בימי אחשורוש: הוא אחשורוש, המלך מהדו ועד-כוש--שבע ועשרים ומאה, מדינה.  
1,2 בימים, ההם--כשבת המלך אחשורוש, על כסא מלכותו, אשר, בשושן הבירה.  
1,3 בשנת שלוש, למלכו, עשה משתה, לכל-שריו ועבדיו: חיל פרס ומדי, הפרתמים ושרי המדינות--לפניו.  
1,4 בהראתו, את-עשר כבוד מלכותו, ואת-יקר, תפארת גדולתו; ימים רבים, שמונים ומאת יום.  
1,5 ובמלואת הימים האלה, עשה המלך לכל-העם הנמצאים בשושן הבירה למגדול ועד-קטן משתה--שבעת ימים: בחצר, גנת ביתו המלך.  
1,6 חור ברפס ותכלת, אחוז בחבלי-בוץ וארגמן, על-גילי כסף, ועמודי שש; מטות זהב וכסף, על רצפת בהט-ושש-וידר וסכרת.  
1,7 והשקות בכלי זהב, וכלים מכלים שונים; ויין מלכות רב, ביד המלך.  
1,8 והשתיה כדת, אין אנוס: כי-כן יסד המלך, על כל-רב ביתו--לעשות, כרצון איש ואיש. {ס}  
1,9 גם ושתיה המלכה, עשתה משתה גשים--בית, המלכות, אשר, למלך אחשורוש.  
1,10 ביום, השביעי, בטוב לב-המלך, ביו--אמר למהומן בזהא חרבונא בגתא ואבגתא, זתר וכרכס, שבעת הסריסים, המשרתים את-פני המלך אחשורוש.  
1,11 להביא את-ושתיה המלכה, לפני המלך--בכתר מלכות: להראות העמים והשרים את-יפיה, כי-טובת מראה היא.  
1,12 ותמאן המלכה ושתיה, לבוא בדבר המלך, אשר, ביד הסריסים; ויקצף המלך מאד, וחמתו בערה בו. {ס}  
1,13 ויאמר המלך, לחכמים ידעי העתים: כי-כן, דבר המלך, לפני, כל-ידעי דת ודין.  
1,14 והקרב אליו, כרשנא שתר אדמתא תרשיש, מרס מרסנא, ממוכן--שבעת שרי פרס ומדי, ראי פני המלך, הישבים ראשנה, במלכות.  
1,15 כדת, מה-לעשות, במלכה, ושתיה--על אשר לא-עשתה, את-מאמר המלך אחשורוש, ביד הסריסים. {ס}  
1,16 ויאמר מומכן (מומכן), לפני המלך והשרים, לא על-המלך לבדו, עותה ושתיה המלכה: כי על-כל-השרים, ועל-כל-העמים, אשר, בכל-מדינות המלך אחשורוש.  
1,17 כי-יצא דבר-המלכה על-כל-הגשים, להבזות בעליהן בעיניהן: באמכם, המלך אחשורוש אמר להביא את-ושתיה המלכה לפניו--ולא-באה.  
1,18 והיום הזה תאמרנה שרות פרס ומדי, אשר שמעו את-דבר המלכה, לכל, שרי המלך; וכדי, בזיון וקצף.  
1,19 אם-על-המלך טוב, יצא דבר-מלכות מלפניו, ויכתב בדתי פרס ומדי, ולא יעבור: אשר לא-תבוא ושתיה, לפני המלך אחשורוש, ומלכותה יתן המלך, לרעותה הטובה ממנה.  
1,20 ונשמע פתגם המלך אשר-יעשה בכל-מלכותו, כי רבה היא; וכל-הגשים, יתנו יקר לבעליהן--למגדול, ועד-קטן.  
1,21 וייטב, הדבר, בעיני המלך, והשרים; ויעש המלך, כדבר ממוכן.  
1,22 וישלח ספרים, אל-כל-מדינות המלך--אל-מדינה ומדינה ככתבה, ואל-עם ועם כלשונו: להיות כל-איש שרר בביתו, ומדבר כלשון עמו. {ס}



### Voyons plus clair

Une mise en perspective des grandes thématiques de l'actualité à la lueur de l'érudition juive véritable.

Commandez : Tel. (Fr) : +33.1.80.91.62.91 - (Isr) : +972.77.466.03.32 - [www.torah-box.com/editions](http://www.torah-box.com/editions)